

共

書

群書考索卷十二

別集

山堂先生章俊如編輯

建陽知縣區玉刊行

元峯蕭泗校正

○官制門

東宮官

三師三少

三師三少三王教世子立太傅少傅以養之太傅在前入則有保出則

有師故王。周成王幼在襁褓太公為太師禮大尊。西漢有太子太傅

少傅。屬官有太子門大夫廢子洗馬舍人。後漢太傅禮如初不領

官屬少傅悉主太子官屬。魏太傅於太子不稱臣少傅稱臣。晉咸

寧中備六傅之職三少。東晉置保傅而無二師景帝諱師。唐三師

三少官不必備惟其人無其人則闕之分。宋朝師傅不常設仁宗升

儲置三少各一人丁謂兼少師馮拯兼少傅曾利用兼少保是時實為

東宮官餘多以前宰執為致仕官若太子太師太傅太保以侍宰相官
未至僕射者及樞密使致仕亦隨本官高下除授太子少師少傅少保
以待前執政其少師非經顛命不除若本官至尚書即除少傅丞即給
諫只除少保若因遷轉即遞進一官至太師即遷司空矣官制。繼照
堂。在開封府東真宗尹京日射堂大中祥符二年臨幸賜名會。資
善堂。在元符觀南大中祥符八年置仁宗律學之所天禧四年從御
厨以北會。慶寧堂。英宗階邸有閣藏御覽經籍。慶成宮。
元祐元年閏二月二十二日詔神宗皇帝所居東宮改為慶成宮續會
。龍德宮。元符三年二月二十四日詔懿親宅階邸賜名龍德宮是
為徽宗舊邸續會

王府官

宋朝太平興國四年置翊善一人以常參官充續會

成元宰相李石奏太子有侍讀諸王亦有侍讀無降殺之禮定
疏奉諸王講讀。宋朝英宗治平元年諸王府置侍讀二人太平興國
中此置侍讀侍讀。徽宗政和七年張大亨奏切見講讀之官在天子
謂之侍講侍讀而在諸王府者亦有侍讀官號此擬稱謂相察詔諸王
府侍讀改為贊讀侍講改為直講

直講

宋朝太平興國四年別置侍講以常參官充政和七年詔改侍讀為直
講詳見

記室

宋自明帝以後皇子皇弟雖非都督亦置記室參軍。梁陳王府皆有
。隋皇伯叔昆弟皇子是為親王府置記室參軍。唐因之大典。後
唐長興四年以前襄州觀察支使魚崇遠為秦王府記室參軍事。宋
朝太平興國中置政和中以參軍行軍之際所稱詔除去參軍字

大小教授

宋太宗至道元年以員外郎孫贍充皇姪皇孫教授從新號也時中書文宗朝薛王講讀今皇姪皇孫是張備之職以教授為名從之禮請。真宗咸平元年以朱昂兼南宅教授張蔚兼北宅教授嘉祐以來置諸宮教授立講書課試規罰之法此事見紹興五年錢。英宗治平元年教授更不兼官以兩處供職有所廢闕要時宗室本支之盛自率府副率以上八百餘人而教授之官六員而已因詔增置教授官凡皇族年三十以上者百三十人置講書四員年十五以上者三百九人增置教授五員年十四以下者別置小學教授十二員并舊六員為二十七員以分教之大學京朝官充小學選人充四年詔今後諸宮院大小學教授有闕令國子監與學士院舍人院輪舉熙寧元年小學教授亦論京朝官元祐三年詔諸宮學教授闕選所舉學官及可為師表可備講讀利不足則三省選陞朝官有出身年四十以上者充崇寧三年睦親宅及北宅廣親宅各大學小學教授一員廣親北睦親西及周王宮大學及頓小學各二員大小學兼領始于此

六院

御史院

漢文帝元嘉九年王詔闕左懸登聞鼓以達冤人。唐大曆十四年詔天下冤滯於朝堂受詞推決尚未盡者聽撻登聞鼓上。宋朝雍熙元年改置為檢。東延恩曰崇仁南招諫曰思諫西中寃曰申明北通玄曰招賢。七月改匭院為登聞仍依舊諫官一員判院要。景德四年改為登聞檢院命樞密直學士張詠判仍差內品監門不得監預公事諫議大夫掌受文武官及士民章奏表疏凡言朝政得失公私利害軍期機密陳乞恩賞理雪冤濫及奇方異術皆受以通達凡進狀者先鼓院若為所抑則詣檢院。外有理檢使今不置始於淳化三年置理檢院於乾元門之西北廊以知制誥錢若水領之復唐制也至道三年廢天聖七年上因讀唐史見匭函達下民冤枉之事乃謂左右曰天下九州之大豈無冤枉之人若至京師檢院鼓院理雪院必是州縣官吏提點刑獄轉運使不能理雪又若不為中理則赤子無告矣乃置

置局于闕門之前。舊在宣德門外依隸門下省。建炎三年專隸諫

院中興

登聞鼓院

國初曰鼓司以內臣掌之鼓在宣德門南街西廊至道三年命太子中舍王濟勾當鼓司用朝臣勾當自此始。鼓司舊止內品許懷遠與致直程峻二員勾當至是省峻而命濟始用朝臣也。景德四年詔改為登聞鼓院命知制誥周起直史館同判。仍差內品監門不得關領公事。掌諸上封受而進之以達萬人之情。諫司諫正言。文武臣僚闕門無例通達文字者並先經登聞鼓院進狀未經鼓院者檢院不得收接。建炎元年因舊制置局于闕門之前。高宗即位於南京召李綱為宰相綱奏曰人主莫大於兼聽廣視使下情得以上聞故拜明四目達四聰而天下治今艱難之際四方休戚利害日欲上聞而士民之願効其智慮者尤多陛下即大位已踰月而檢鼓院猶未置

恐非所以通下情而急先務也遂置登聞鼓院於行在便門外

志。三年專隸諫院

唐藩鎮皆置邸京師以大将主之謂之上都留後。大曆十二年改為上都知進奏院官。五代以米支郡不隸藩鎮補人為考聽自置邸隸藩鎮者兼掌焉。宋初緣舊制皆本州鎮補人為進奏官其軍監場務轉運司則差知後官或副知掌之逐州就京師各置進奏院。太平興國八年諸州罷知後之名簡知後官得李楚等百五十人並充進奏官命供奉官張文舉提轄諸道進奏院。監官以京朝官及三班使臣充掌受詔勅及諸司符牒辨其州府軍監以頒下之並受天下章奏案牘狀牒以奏御及分受諸司。中興以來隸門下後省給事中點檢乾道九年依舊隸後省合傳報事今後省錄付報行。又題名云宋興盡罷節度使權太平興國中因何保樞請以鈐轄諸道扁院額而摹印章率用各流

糧料院

宋初承舊制以三司大將軍為都糧料使自開寶六年以著作佐郎陸光範充在京都糧料院使改用京官自此始太平興國五年分糧料諸司馬軍步軍為三院八年以馬步軍合為一院雍熙四年命供奉官陳慶誨勾當諸司糧料供奉官曾祿勾當馬步軍糧料自後復分馬步軍為兩院或以諸司使副分主之端拱二年復以京朝官主之並宋朝元豐未併馬軍步軍為諸軍典諸司為二院中興百隸太府寺掌以法式頒稟祿凡文武百官諸司諸軍俸料以券準給中興以來行在諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院並中宗會

審計院

宋初以三司使總邦計司各有院以乘中外泉穀出入之政蓋會計之然案牘叢委典者不能編察而奸容焉淳化三年始用戶部使樊

知古奏別其冗籍復別為院置官顯領之以聽稍食之要二置院之亦嘗騎兵徒兵給受之數猶未及諸司也元豐三年合步騎兩院為一遂以其一主諸司自官禁朝廷下至斗食佐史凡賦祿者以式法審其名數而稽其辭名者唯郊賜給已乃審祿有疑予則詔以法四方之計籍上于大農則逆其會凡有司議調度會賦出則詎焉設員二曰左右聽分案六史八人聽舊為諸軍諸司專勾司建炎元年避高宗御諱改諸軍諸司審計司

官誥院

宋初於右掖門置院四司誥身案並集于此以備中書除改本司即官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈以朝官一人主判知制誥一人提舉贈元豐五年奉行官制文武官誥身屬吏部審官屬兵部封贈及內外命婦等誥身屬司封加勳并將校等屬司勳官誥院四部誥身案及吏人隨事隸本部

七年并司封司勳誥身案入吏部預書庫收掌崇寧四年吏部專置造
官誥局尋罷大觀復置尋改為官誥院仍隸左右司三年後罷歸吏部
政和三年依舊置官誥院差官一員主管少府監鑄印記以吏部製造
誥身業記為文中興以來因仍不改

四轄

權貨務都茶場

權貨務掌折博斛斗金帛之屬如朝以朝官諸司使副內侍二人監太
平興國中以先平嶺南及交趾諸國入貢通關市議於京師置權易院
大中祥符中併入權貨務建炎中興又創都茶場給賣茶引隨行在
所於權貨務置場雖分兩司而提轄監官並通衙管幹。建炎四年詔
權貨務都茶場依舊隸左右司其提領措置並罷其都茶場仍令提轄
權貨務官兼行提轄。尋徙越州一務場於建康又併真州一務場歸
建康紹興五年詔建康鎮江兩務場只是給賣鈔引三十二年詔三省
今後選差文臣充監官更不差武臣乾道六年詔依舊通差武臣

先是課入不立額惟視舊歲為等差是歲始分有定數歲總為
錢二百四十萬萬行都受藏之所為數八十萬萬于建康者一百二十
萬萬于鎮江者四十萬萬名

雜買務雜具場

雜買務舊曰市買司太平興國四年改至道中廢咸平中復置以京朝
及三班內侍三人監掌和市百物凡宮禁官物所需以時供納雜賣務
景德四年置掌受內外幣餘之物計直以時收貨或準折支用以內侍
及三班二人監後亦差文武朝官以四朝志紹興六年詔雜買務雜賣
場置提轄官一員會要

左藏庫

掌受四方財賦之入以待邦國之經費其原蓋起於周職內主賦入職
歲主賦出而邦布之入出則外府又主之皆其職也。晉始置左右藏
令。唐於左右藏分東西庫以太府少卿知出納於左長慶門之東。
宋初左藏止一庫置使領焉題太平興國二年分為二庫淳化三年分

置左右藏各二庫四年廢右併入左政和六年備建新庫以東西庫為
名會要中興因仍東西庫各以文臣監武臣同監其東幣帛純紳
之屬在焉其西金銀泉券絲纒之屬在焉紹興二十七年詔戶部於轄
下丞簿內選一員兼充左藏庫提轄官此提轄所由始孝宗即位詔將
御前橋管激賞庫撥歸左藏庫以左藏南庫為名專一橋管應副軍期
支遣於是其有東西南三庫孝宗會要尋罷南庫大抵國家用度多糜
於贍兵四蜀湖廣江淮之賦類歸四總領所以餉諸屯其送京者殆亡
幾唯閩浙悉輸焉東西庫歲入以端計者率百四十萬以緡計者率二
千萬給遣稱是而大軍居十之七宮禁百司祿賜裁三之間有非泛浩
繁之費則請于朝往往出內帑封禧以補所缺監官凡五人分帑而治
舊以京朝官為之今唯才是用故四選通得入額

文思院

太平興國三年置掌造金銀犀玉土巧之物金彩繪素裝紉之飾以供
輿輦冊寶法物及凡器服之用隸少府監熙寧三年詔文思院兩界監

官立定文臣一員武臣一員並朝廷選差其內侍勾當官並罷以四

紹興三年詔少府監併歸其文思院上下界監官從工部辟差工部

言所轄文思院舊分上下界監官三員內文臣一員繫京朝官上界造

作金銀珠玉下界造作銅鐵竹木雜料欲依舊分為上下界從之隆興

一年詔併禮物局入文思院宗會要

三衙類

三衙

宋朝沿五代之制有侍衛親軍及殿前兩司蓋侍衛親軍起於後唐

又石林燕語云侍衛親軍自梁起宣武軍乃以鎮兵因舊號置在京

馬步軍都指揮使而自將之蓋於唐六軍諸衛之外則為私兵至後

唐明宗遷改為侍衛親軍

殿前始於周世宗顯德元年五代會要

世宗自高平之戰觀其退縮慨然有懲革之意又以驍勇之士多為

外諸侯所占於是詔募天下豪傑不以軍澤而俱送於闕下躬親試

閱選武藝超絕及有身首者分署為殿前諸班因有散員散指揮使
內殿直散者頭鐵騎控鶴之號

宋初侍衛親軍置都指揮使雖都虞候亦在殿前都指揮使之上

淳化元年傳潛自殿前副都指揮使遷侍衛親軍馬步軍都虞候在
殿前都指揮使載輿之上咸平三年王超自殿前都指揮使遷侍衛

親軍馬步軍都虞候續

自王超罷職無復任者而侍衛司馬軍步軍遂分為二并殿前號三衛
而馬步二軍始居殿前司之下焉職三司天下之兵柄皆在其權雖重

而軍政號令則在樞密院與僕周間史弘肇之徒為之者異矣此祖宗
之微意非前世所及也石林燕語

殿前司

都指揮使副都指揮使都虞候掌殿前諸班直及步騎諸指揮之名籍
凡統制訓練番衛戍守遷補賞罰皆總其政令入則侍衛殿陛出則扈
從乘輿大禮則提點編排整肅禁衛函簿儀仗掌宿衛之事都指揮使

以為之都都指揮使都虞候以刺史以上充資序淺則以

本司之事馬步軍亦如之補則通治關則互攝志祖宗以來三帥不

曾闕兩人若殿帥闕難以從下起補

姚麟以殿前都虞候合陞作步軍副都指揮使元祐七年樞密王巖

叟言政和四年詔殿前都指揮使在節度之上殿前副都指揮使在

正任承宣使之上殿前都虞候在正任防禦使之上四朝

宋初沿後周有殿前都點檢在都指揮使上

太祖以此承禪後不置焉中興以來主管殿前司一員其屬有幹辦

公事十管禁衛各二員準備差遣準備差使點檢醫藥飲食各一員

尋減餘辦公事一員增書寫機宜文字一員

馬軍司

都指揮使副都指揮使都虞候都指揮使本方鎮庫校之名自熙寧起宣

武軍乃以一鎮兵因仍舊號置在京馬步軍都指揮使掌馬軍諸指揮

之名籍凡統制訓練番衛戍守缺補賞罰皆總其政令侍衛扈從及大

禮部衛所掌如殿前司政和四年詔以馬軍都指揮使馬軍副都指揮使在正任觀察使之上馬軍副使在正任防禦使之上四朝中興以後主管侍衛馬軍司一員幹辦公事準備差遣點檢醫藥飯食常出戍建康

步軍司

都指揮使副指揮使都虞候掌步軍諸指揮之名籍凡統制訓練番衛戍守選補賞罰管總其政令侍衛在從及大禮宿衛如殿前司政和四年詔以步軍都指揮使副都指揮使在正任觀察使之上都虞候在正任防禦使之上四朝中興以來主管侍衛步軍司一員幹辦公事準備差遣點檢醫藥飯食

閣職類

閣門事

宋初橫班有內客省使
崇政殿受朝而升東階侍立掌四方進奉及四夷朝貢故伯朝朝酒

禁衛將校節儀諸州進奉使則物回詔之事
通使四方館使

唐四方館以通事舍人判隸中書省石晉始有為卿監判館者。宋朝初以檢校官判館淳熙四年改置使名掌文武官正謝辭國忌賜香諸道月旦正至章表郊祀朝番官貢舉人進奉使京官致仕官道釋父老陪位之事會要

東上閣門使西上閣門使

一凡取稟旨命供奉乘輿朝會游宴及贊道守三公群臣蕃國朝見辭謝糾彈失儀之事使副專之舍人以下但通班贊唱而已會要。其供職于內者多用國戚世族號為華要禮均侍從政和官制橫班使副之名既改為大夫而其職任則命內外官知焉職其後所除總名知各門事仍兼客省四方館之職焉紹興三年詔客省四方館並隸臺察。先是御史臺六察所隸官司有因一時申明免隸臺察去處至是殿中侍御史常同乞依舊制施行所貴百司廢務有所按察不敢違矣故也中興會要。四

年詔依祖宗舊制隸中書省不隸臺察中興會要。五年詔右武大夫以上並稱知閣門事兼客省四方館事若官未至右武大夫者即稱同知同兼序在知閣門之下同上

同知閣門事

宋朝東西上閣門副使雖無定員然選任不及疎遠而所置常少於正使之數政和官制以左武右武即易二閣副使而閣門事乃命橫行知焉則同知之職乃昔時之所謂副使也職器

閣門宣贊舍人

故事閣門無通事舍人而通事舍人沿夫唐制自隸中書省如抽赴閣門並稱閣門祇候其後直授閣門通事舍人非舊制也天禧中閣門二字政和六年改為宣贊舍人

政和六年御筆閣門通事舍人名稱鄙俗可改為宣贊舍人詔旨

閣門祇候

國朝舊以閣門通事舍人閣門祇候二等謂之閣職蓋武臣之清選也

閣門通事舍人閣門祇候二等此皆職清流為進取之基非熟於朝儀不在此選又有看班祇候以命世家新進及擢閣門點檢使臣為之而點檢官乃知班使之長者二年無過遂改看班政和間改通事作宣贊且不復選人而濫處不知其數人不以為貴也官制舊典

舊止三五員

天禧初上與輔臣語及減吏員向敏中曰太祖太宗朝閣門祇候不過三五員宣贊贊謁而已今踰數百而除授未已上曰此蓋相承為例當漸省之

熙寧四年閣門請擇武臣子弟六人前後數日祇應以閣門看班祇候為名候五年孰識儀數乃除閣門祇候

閣門舍人

乾道中孝宗初置慶元告詞云我朝重閣門之職乾道置舍人之員

帶御器械類

帶御器械

宋初以來嘗選三班以上武幹親信者佩臺榭御劍或以內臣為之要會初是職止名御帶咸平元年改為帶御器械景祐二年詔自今無得過六人慶曆元年詔遇闕員以歷邊任有功者補之舊制外任帶御器械過關朝見不宿衛熙寧六年向寶移真定府路總管過京師待命宿直並會中興因仍

四廂類

四廂 奉日天武四廂都指揮使 龍神衛四廂都指揮使

捧日舊曰日騎天武舊曰控鶴宋朝太平興國二年詔改控鶴曰天武雍熙四年改殿前司日騎曰集日龍衛舊曰龍捷神衛舊曰虎捷太平興國二年詔改龍捷曰龍衛虎捷曰神衛皆以美名易禁軍之舊號也。上四軍殿前司捧日天武馬軍司龍衛步虎司神衛謂之上四軍各有左右廂廂各三軍東 西 南 北

環衛官類

家朝六軍諸衛有左 右金吾衛上將軍

秦曰中尉。漢武改曰執金吾。隋曰侯衛所領軍事名伙飛。唐魏朔改左右金吾衛正三品掌官中及禁城晝夜巡警之法以執禦非違漢官宰尹曰吾禦也常執金華以禦非常緹騎二百人輿馬道從充滿於路世祖歎曰仕官當作執金吾也

左右衛上將軍

晉武帝分中衛將軍為左右衛各大將軍一人銀章青綬。隋改置左右衛為左右翊衛。唐武德中更曰左右衛府龍朔中省府字

左右翊衛將軍

漢武以李廣為驍騎將軍後省之光武改也騎為驍騎。晉文立晉臺以為宿衛官至隋煬帝時改左右備身為左右翊衛所領名豹騎。唐置驍騎府龍朔去府字光宅改左右武威神龍復舊

武舊衛上將軍

魏武為丞相有武衛營。隋探其名置左右武衛府有大將軍。唐光宅改左右鷹揚衛龍朔復舊

形衛上將軍

隋煬帝置左右屯衛。唐龍朔改為威衛光宅改為左右豹韜衛

領軍衛上將軍

魏武為丞相始置中領軍魏文又置領軍。晉因之品第三金章紫綬

宋齊領軍掌內禁兵。唐別置領軍衛大將軍龍朔威衛咸亨復舊

監門衛上將軍

漢魏以來城門校尉之職也。隋置左右監門府將軍煬帝改府字為

衛。唐置大將軍龍朔改為監衛

千牛衛上將軍

後魏有千牛衛備身本掌乘輿御刀蓋取庖丁為惠文君解數十牛而

刃若發硎此刀可以備身因以名官。隋左右府領千牛備身。唐改

為左右千牛府龍朔改為奉宸衛神龍改為千牛衛。諸衛大將軍諸衛

衛將軍並為環衛官無定員皆命宗室為之乃武臣之贈典大將軍以

下又為武臣責降散官政和中改武臣官制而環衛如故蓋雖有四下

八階別無所領故也

四朝志

靖康元年用御史中丞陳過庭言請導

開寶初罷諸節度使歸環衛故事於是節度使錢景臻等並為左右金

吾衛上將軍

四朝志

又崇寧四年仿古脩立三衛官有郎一員中郎為之

二文武各一員博士二主簿一親衛府有郎有中郎以后妃嬪御之家

有服親及翰林學士并管庫正任觀察使以上子孫充勳衛府有郎有

中郎以勳臣之世賢德之後有服親太中大夫以上及正任團練使送

鄂觀察使以上子孫充翊衛府有郎有中郎以鄉監正任刺史送郡團

練使以上並以親兄弟子孫試充三衛即治其府之事率屬日直于殿

陛長在左立起居郎之前二分左右文東武西立都承旨之後親衛立

於殿上勳衛立於梁殿翊衛立於兩階衛士之前中興久不除授孝宗

隆興詔學士院討論環衛官制度欲參酌祖宗時及唐太宗制度

詔曰朕惟祖宗選用將帥以崇武節外建方鎮內列環尹品式備具

近來環衛久不除授非所以儲財而均任也可依舊制應以才畧聞

堪任將帥及久勤軍事暫歸休佚之人並為環衛官更不換授並令

兼領

如節度使則領左右金吾衛上將軍承宣使則領左右衛上將軍在內則兼帶在外則不帶以十員為額朝參侍駿並依御帶體例宗室不在此制仍不差戚里及非戰功人除改差主兵官合不領環衛如皇城司帶御器械之類仍許兼領

群書考索卷十二

畢

後集

群書考索卷十三

山堂先生章俊編

建陽知縣區玉刊行

後集

官制門

監司類

唐虞建官內有百揆四嶽外有州牧侯伯王者之時五國以為屬焉有長十國以為連連有帥三十國以為卒卒有正二百一十國以為州州有伯。秦罷封建而郡縣置御史以監諸郡。漢興省之惠帝遣御史監三輔郡察事凡九條其後諸州復置監察御史文帝以御史不奉法乃遣丞相史出刺并督察武帝元封五年初置都刺史掌奉詔條察州以六條問事秩六百石。十二州員十二人。居部九歲舉為守相成帝以為刺史位下大夫而臨二千石輕重不相準乃更為州牧秩貢二千石位次九卿哀帝復為刺史元壽復牧。王尊為臨州刺史馳九折

坂王曰尊為忠臣黃霸為揚州刺史治有功宣帝詔賜車蓋以彰有德
朱博遷冀州刺史行部決遣如神。漢光武復刺史乘傳周行郡國錄
囚徒考殿最。舊制州牧奏二千石事先皆下三公三公遣掾史按檢
然後黜退光武用法明察不復委三府故權歸刺史之吏靈帝改為牧
。是時天下方亂豪傑各欲據州郡州牧之任自此重矣靈帝時賈琮
為冀州刺史百姓聞風自然震竦其諸賊過者望風解印綬去李膺為
青州刺史守恩威明多望風棄官。魏晉為刺史持節都督度姓為軍
車刺史。魏賈陸為豫州刺史舉奏二千石以下阿縱不法帝曰真刺
史也杜元凱荊州人號為杜父。後魏州置三刺史其後隨時沿革互
有不同。隋開皇三年罷郡以州統縣自是刺史之名存而職廢後雖
有刺史皆太守之互名非舊刺史之職理一郡而已陽帝大業羅州置
郡置司練臺大夫一人巡察畿內刺史十四人巡察畿外。唐羅州置
州改太守為刺史而雍州置牧神龍二年分天下為十道置巡按使二
十人以立右臺內外官堅明濟動者為之景雲改置按察使開元中改

置訪察置使至德之後改採訪使為禮察并領都團練治於所部之
大郡。宋初有轉運使淳化及景德增提刑熙寧中又置提舉

運使

唐先天二年李傑始名務始為水陸發運使蓋使之名起開元二十二
年裴耀卿以侍中充江南淮南轉運使而崔希逸蕭冕為副蓋副使始
此天寶以韋堅充勾當轉運使第五琦充諸色轉運使劉晏充諸道轉
運使其後韓滉杜棕杜讓能崔昭緯皆以宰相充使而諸道分置巡院
皆統於此。五代罷巡院始置轉運使唐會要載藝祖開基懲五季之
亂藩臣擅有財賦不歸王府自乾德以後僭偽畧平始置諸道大運使
以總利權開寶中廣南平除徐澤為判官蓋轉運判官始此。其轉運
使之名。宋初但曰勾當某路水陸計度轉運使官高者則曰某路計
度轉運使太平興國初皆曰使兩省以上則為都轉運使又置副使與
諸路判官焉又置同勾當轉運使俄罷諸路副使真宗每用兵或令都
部署轉運使王師征討則有隨軍轉運使事畢即停至道初詔曰天下

物宜民間利病惟轉運使得以周知令更互赴闕延見詢問焉慶曆中皆常按察之任六年罷三年詔諸路轉運使並兼按察使每歲具官吏能否先是歐陽脩請遣使按察官吏賈昌朝言轉運以按察官吏故令兼領之六年赦書以為過為煩擾吏不安職其並罷之。先是判官與轉運使爭權而罷至嘉祐中復置職。熙寧二年詔轉運使用本資序人即充資序下一等為權二等為權發遣中興以來逐路都轉運使除授不常唯使副判官常置舊制轉運司除授皆命納告。慶江已後例給勅命後稍復舊制轉運使副命詞運判則否六年詔諸路運判亦命司給告。光宗紹熙以來使副運判不雙除。開寶九年詔諸路官吏宜令轉運使廣訪能否第為三等歲終以聞咸平元年上謂輔臣曰轉運使按察使權甚重必須平允之吏寬猛適中。祥符七年詔曰自今轉運使不限官品並在提點刑獄之上南豐除蔡俾制分部而使雖將名具實在於總廢於之予奪

主管運幹

熙寧初詔諸路漕司始置屬官勾當兩員或一員又置管勾文字其管勾文字不得差出元祐中除三路外並罷後復置焉建炎初避高宗諱改管勾為主管勾當為幹辦

帳幹

熙寧三年詔諸路漕司始置屬官元祐七年詔轉運司管勾文字除三路外並罷其職事帳司兼管後復故

提刑

宋朝淳化三年遣官分往諸路提點刑獄尋省之景德四年真宗謂王旦曰朕慮四方刑獄官吏未盡得人一夫受冤即召災沴今軍民事務雖有轉運使且地遠無由知先帝嘗選朝臣為諸路提點刑獄今可復置仍以使臣副之於是置諸路提點刑獄公事以朝臣充。始命屯田李拱為之副以武臣閣門祗候以上充天禧四年加勸農使俄改提點刑獄勸農使又以武臣為副使天聖六年悉罷八年復置嘉祐中有武臣同提點河東刑獄竊用公庫銀器及樂倡首飾議者謂武臣不可為

監司嚴之。治平元年罷提點刑獄委轉運司職官分熙寧二年諸路
提點刑獄復差文臣其武臣並罷之

史臣曰上以武臣罕習吏文多不足以察舉所部人材故罷之人皆
以為便

十年復置提點京畿刑獄掌察所部疑留獄訟勸課農桑而按其官吏
之不法別其廉吏以達于朝熈寧會宣和初詔江西廣南增置武提刑一
員然遇關帥不許武憲兼攝建炎元年以盜賊未衰諸路無武臣提刑
處權添差一次專管提殺四年罷之孝宗乾道六年詔諸路分置武臣
提刑一員後復罷之

提幹

建炎四年詔諸路提刑司除武臣提刑添置幹辦公事官許行留文臣
一員會要

檢法

熙寧六年置諸路提刑司檢法官一員從呂惠卿之請也元豐三年罷

五年復置四轉高職在神宗時亦嘗請諸道刑司獄置法官
提舉

提舉

宋朝淳化中建常平倉。景祐元年令轉運司與長吏舉所部官專領
之然猶隸漕臣。熙寧使提領此蓋提舉常平之所始也。二年制
置三刑條例言河北陝西已差官提舉常平廣惠倉餘路改差胡朝宗
張復候叔獻曾道等並為提舉官。九年府界畿內亦專置提舉常平
倉一員不令司農兼領。元祐初罷。紹聖九年復置。政和改元
詔江淮荆浙六路并置茶鹽提舉一員。宣和三年詔河北京東路推
行新法鈔鹽可添置提舉一員此提舉茶鹽之所始也。宋初茶鹽事
舊隸發運司元豐間或以轉運常平官兼提舉或以提刑兼領知通提
轄政和以後始專置官吏。既而諸路皆置。建炎元年詔提舉常平
司併歸提刑司二年復三年復詔提刑兼四年詔逐路提刑司茶鹽司
並依舊分東西路。紹興二年詔荆湖北路復置提舉茶鹽司四年詔
廣西茶鹽司官吏並罷其職事慶曆臣五年詔諸路提舉常平併入茶

鹽司仍以提舉茶鹽常平等公事為二十五年從王支請詔諸路提舉
茶鹽官改充提舉常平茶鹽公事

提幹

熙寧二年置提舉常平司勾當公事於通判幕職內選差一員不妨本
職是年制置三司條例司言京西路乞差大理寺丞朱紘淮南路著作
郎曾從兩浙路前宣州司理王醇並為管勾官事。紹興三年戶部者
詳欲諸路州並以通判充主管官人許公幕職官人差六年復置主管
司十五年改為幹辦公事依漕屬例餉此常平幹也。宣和三年置
茶鹽提舉屬官一員會此茶鹽幹也。今提舉司存二幹官以此

總領

南渡之初嘗命朝臣總領都督府宣撫司財賦未以官名也

紹興三年差戶部侍郎姚舜明往建康總領于都督府錢物糧併六
年都督諸路軍馬張言三宣撫司錢糧漕司互相占各因致闕之
於六部長二內郡一員來鎮江府置司專一總領詔差戶部侍郎

七年令戶部郎官霍盡前任鄂州置司專一總領兵飛軍錢糧

紹興十一年收諸帥之兵以為御前軍屯駐諸處皆置總領以朝臣為
之內帶專一報發御前軍馬文字蓋又使之與聞軍政不獨識餽餉而
已叙位在轉運副使之上鎮江諸軍錢糧淮南總領堂之建康池州諸
軍錢糧淮西總領堂之鄂州荆南江南諸軍錢糧湖廣總領堂之興元
興州金州諸軍錢糧四川總領掌之初以湖訪為司農少卿總領准東
軍馬錢糧吳彥璋太府少卿總領淮西江東軍馬錢糧曾樞為太府卿
總領湖廣江西京西路財賦湖北京西軍馬錢糧諸軍不聽節制十六
年四川總司以總領四川宣撫司錢糧所為名十八年詔罷宣撫司始
改為四川總領餉。孝宗乾道六年詔准東總領併歸淮西總領
所一中書門下省言勘會淮東總領所廢併司名合行併入詔以總領
兩淮浙西江東財賦軍馬錢糧為名仍鑄印繳納兩司無印七年復置
淮東總領會要

又湖北總領所壁記云國家駐蹕吳會形勝控旅之地上下數千里

自蜀漢荆襄江鄂達于兩淮其間列戍數百而大屯不過十數視屯
兵若干州之賦入供其軍食其始費用出入悉聽乎主將之所自為
已而兵廢之用紹興五年始命中都官為外司兼兼總其賦之立而
制其出為四總領所

總屬

紹興十一年初置四總領官為有幹辦公事准備差遣四川有主管文
字二員准京淮西有分差糧料院審計司審三司通判兼權貨務都茶
場御前封繕中使庫大軍倉大軍庫贍軍酒庫市易抵當庫惠民藥局
湖廣有給納場屬官兼分差糧料院審計司兼御前封繕中使庫大軍
倉大軍庫贍軍酒庫四川有分差糧料院審計院審計以屬官兼大軍
倉大軍庫發發船運官贖藥庫雜買場

中興會要

都大提舉茶馬

宋朝熙寧七年始詔三司鹽鐵判官李杞三司勾當公事蒲宗閱經畫
川蜀置茶充秦鳳熙河路博馬就於提舉成都府路買茶公事杞於秦

州宗閱於成都置司後改名都大提舉茶馬事成都府熙寧七年差李杞
蒲宗閱成都府買茶熙河路博馬並令杞等提舉置都大提舉及主管
同主管各因其資品高下除授云。元豐四年群牧判官郭茂恂又言
茶司既不兼買馬逮在法以害馬政恐誤國事乞併茶場買馬為一司
從之蓋茶馬司始合於此時也

舊制於原渭德順三郡市蕃馬熙寧七年為復熙河經畧使王韶言
西人頗以善馬至邊其所嗜唯之茶與之為市請販茶馬辨之乃命
三司勾當公事李杞運蜀茶至熙河置買馬場六而原渭德順更不
買馬於是杞言責茶馬一事也乞同提舉買馬杞遂兼馬政然分合
不常置元豐四年群牧判官提舉買馬郭茂恂又言茶司既不兼買
馬遂立法以害馬政乞併為一司從之

掌收摘茶之利以佐邦用凡市馬於蕃夷以茶易之大觀以來茶馬之
政廢川茶不以博馬唯市珠玉故馬政廢歟。建炎四年張浚奏大石
進奉珠玉高宗諭曰云。紹興四年從關師古之請以之戰馬始今

四川宣撫司支茶博馬五年密院言已於末康軍威茂州置場七年宰
臣趙鼎言得旨復置茶馬官舊有主管茶馬同提舉茶馬都大提舉茶
馬凡三等上曰考其資歷命之乾道元年川秦兩司馬額共九千餘匹
茶馬陳彌作言本司買馬川秦兩司文黎玆叙南平長寧軍六州軍
年額川馬五千餘匹繫應副江上諸軍階州之峯貼陝西和州之容
昌兩處年額共西馬四千餘匹繫輪年應副三衙

川秦兩司者祖宗舊制至今不廢

四年四川宣撫使虞允文奏照得祖宗朝都大茶馬官於秦州成都
各置司治各半年撥發馬月分居秦司乞事即歸川司措置發茶并
買馬物帛之類今欲依舊制於鳳州河池縣置秦司既近宕昌買馬
之弊可以稽察上從之

都大提點諸路坑冶

唐開元二十五年監察御史羅文信充諸道鑄錢使唐會天寶三載揚
魯矜除御史中丞充鑄錢使六載度支郎中楊釗充諸道鑄錢使亦太

元豐二年三司言江浙等路提點坑冶鑄錢官一員通領九路水陸巡

監于都陽既而江淮荆浙閩廣之地皆有監繫發運使兼提點咸平三

年以馮亮為江南轉運副使兼都大提點江南福建路鑄錢事內供奉

官白承睿同提點錢事實錄至景祐二年始置江浙荆廣福建等路都

大提點坑冶鑄錢一員以魏燕為之九朝通略按四朝志樂宗範知鉛山縣有詔罷民采銅皆散為盜宗範一切使

如故貞宗嘉異權提點江浙諸路銀銅坑冶與此不同當致

元豐二年三司言江浙等路提點坑冶鑄錢官一員通領九路水陸巡

檢不周欲增一員分路提點從之遂定為兩司在饒者領江東淮浙七
閩在慶者領江西荆湖二廣焉並理朝至元祐元年以坑冶鑄錢通為
一司從淮南提點李深之請也會政和七年置提點鑄錢官兩員於
饒慶州紹興三年置慶州提點司從提點王全之請也

雖有上項指程後來多在饒州置司秀州只繫巡歷

六年趙伯瑜乞依嘉祐舊令內添都丈二字與提刑序官二十六年詔都大提點坑冶鑄錢司官吏並罷令逐路轉運司交割

以尚書省言坑冶鑄錢司近年鑄錢金鈔一司官吏所責不實罷之二十七年置提領諸路鑄錢官於行在差侍從或知監一員不妨本職

兼領置屬官二員以提領諸路鑄錢所與名以戶部侍郎兼疑兼二十九年從左司諫何溥言乃復置以江淮荆浙福建廣南路提點坑冶鑄

錢公事繫銜與運判序官依舊於饒贛二州置司輪年守任專以措置坑冶督責鼓鑄為職。祖額二百六十餘萬貫。孝宗乾道中併歸發

運司七年復置此處提點司題名八年詔鑄錢司依舊置提點官二員於饒贛二州置司除王楫李大正二人九年兩司分認課額。特江南

淮南兩浙潼川利州各隸饒州司江西湖廣福建分隸贛州司又王楫等言所有舊坑多繫江西却屬饒州一司無從措置欲於江西管內取

撥江州吉州撫州興國軍隆興府却隸饒州司從之淳熙三年併贛司

饒州王楫專為提點官加都大馬

主管提幹檢踏

紹興二年鑄錢司言本司昨被旨許置幹辦公事一員檢踏官五員催

網官二員後來興諸司屬官一員咸罷經所隸九州不可缺官詔復置

幹辦公事一員檢踏官三員催網官一員後檢踏置六員十一年從韓

環之請將檢踏官各分認專管職事一員在饒州本司一員在信州一

員在漳州一員在韶州一員在潭州中興二十六年提點坑冶鑄錢司

官吏檢踏官等並罷二十九年因何溥議再置提點官於饒州置主管

文字舊亦有秀州置幹辦公事一員韶州漳州各置檢踏官一員別置

秤銅官催網官各一員差武臣續詔於饒州添檢踏之員中興

提舉市舶

有市舶使以右威衛中郎將周澤為之見御澤勅

代宗廣德元年有廣州市舶使呂太一通

宋開寶四年下廣南以同知廣州潘美戶宗琦並兼市舶使通判謝處

班兼市舶判官

太祖

咸平三年九月庚子令杭州明州各置市舶聽

從使熙寧更始變市舶法泉人賈海外者往復必使東詣廣否則

其貨海道曰遠輸還家者過半歲抵罪者殺太守陳侂奏疏願置市舶

於泉不報哲宗即位之二年始詔泉置市舶傳了齊之平也舊制雖有

市舶司多州郡兼領元豐中始令轉運司兼提舉而州郡不預矣

元豐三年書言廣西東路備已備定乞專委官推行詔廣東以大運

使孫迥廣西以運使陳倩兩浙以轉運副使周直孺福建轉運判官

王子京迥直孺兼提舉推行情子京兼觀察拘攔其廣東路安撫使

更不帶市舶

後專置提舉而轉運司不復預矣後盡罷提舉官至大觀元年續置明

年御史中丞呂公弼請歸之轉運司不報建炎中興詔罷兩浙福建市

舶司歸轉運司建炎時而廣南如故明年復置中興尚書省言州廢

以來工人不便虧失數多於是詔依舊復置紹興四年發福建提舉市

舶初令提刑兼領旋委提舉茶事十三年提舉欲借置福建臘茶時

發臘茶市舶在置司出賣呂斌上言於是茶鹽司歸建州而提舉市舶

以次復矣乾道二年詔罷兩浙提舉市舶逐處職事委知縣監官

同行檢視而總領數令轉運司提督

紹興二十九年張闡言福建廣南各置務於一州兩浙船務乃分建

於五所至乾道初臣僚言兩淮臨安明州秀州温州江陰軍凡五處

有市舶祖宗舊制有市舶處知州帶提舉市舶務通判帶主人知縣

帶監而逐務又各有監司市舶置司乃在華亭近年遇明州船舶到

提舉帶一司吏人留明州數月名為抽解其實搔擾且福建廣南皆

有市舶物貨浩瀚置官提舉誠所當宜惟是兩浙置官委是冗蠹乞

賜廢罷

安撫使

梁武帝普通五年置。魏以鄴道元為大使慰撫六鎮大使始此。隋

文帝開皇九年詔遣柱國韋光安撫嶺外又仁壽四年以楊素為并州

道行軍總管河北道安撫大使並通。唐正觀初遣大使十三人巡省

天下

諸州水旱則有巡察安撫存撫之名節度使兼之則有副使天授二

年發十道存撫使

職官分紀

聖曆中狄仁傑為河北道安撫。德宗正元又置副使

今職

。宋朝舊

不常置自咸平二年以翰林學士王欽若為西川安撫使知制誥梁顥為陝西按撫使安撫使之名始此其後景德三年始置河北沿邊安撫使以雄州守臣為之而陝西沿邊諸州亦有安撫使慶曆二年召置湖南安撫司八年詔置河北四路安撫以韓琦王拱辰賈昌朝等充諸路使皇祐四年詔廣桂二州帶經畧安撫使熙寧五年罷諸路經畧安撫司崇寧二年置河南安撫使宣和二年置輔郡內額昌府帶京西安撫使宣和三年臣僚言睦賊猖獗乞以杭起知州總領路安撫鎮撫一方詔抗越州江寧府守臣並帶安制置詔洪州守臣可依江寧府安撫使凡諸路安撫逐州知州兼以直秘閣以上充掌總護諸將統制軍旅察治奸宄以肅清一道凡兵民之政皆掌焉帥其屬而聽其獄訟頒其禁

命定其賞罰稽其錢穀器械出納之名藉其行以法若事難專決則其

可善稟奏即干機速邊防及士卒抵罪則聽以便宜裁斷

繫邊任則綏御夷狄撫寧疆圉若甲兵屯戍芻粟饋運則視其緩急

盈虛而移用之掌凡戰守之事

並會要續會要

建炎元年李綱請沿河沿淮沿江置安撫使兼馬步軍都總管以文臣充二年令將兵處知州帶管內安撫使後省四年置鎮撫使罷逐路安撫使後罷鎮撫使置安撫使始此時諸路又有安撫大使自兩浙西路劉光世如二品以上為帥即為安撫大使

中興會要

帥屬

唐置藩鎮皆有參謀至行軍亦有之關預軍中機密張建封置溫造字簡輿說劉濟使納忠於朝。建炎四年詔兩浙西路安撫大使許置參謀參議各一員。紹興四年詔沿江三大使司亦許置參謀參議官。五年詔江南西路湖南浙西安撫大使許置秀州安撫使許置參議共謀參議請給依本路提舉奉贖支破

中興會要

機宜

宋朝安撫使司其屬有勾當公事管勾機宜文字準備差使哲宗正建炎初安撫大使許置主管機宜文字主管書寫本司機宜文字各一員紹興四年詔帥府書寫機宜文字除繫事干機密合書寫外其餘文字並不得簽書俸給京官依通判選人依簽判中興宋祖宗朝安撫使司屬有勾當公事高宗即位事御嫌名改為幹辦公事建炎三年詔浙西安撫大使許置幹辦公事官五員其俸給京朝官依通判選人依簽判支破建炎四年江東西湖南浙西安撫大使許置幹辦公事五員安撫使置幹辦公事四員中興

制置使

唐宣宗大中五年以向敏中充招討党項行營都統制置等使通鑑制置使之名始此。宋朝不常置掌經畫邊鄙軍旅之事政和中熙泰用兵部內侍童貫為之四朝志宣和末姚古為京畿輔郡兵馬制置使靖康初神師道為河東路制置使錢蓋為陝西五路制置使欽宗實錄建炎元年有

招捉賊盜制置使自王淵始三年有行在五軍制置使自劉光世始又諸路皆有副使自江彦陳彥文程千秋始六月浙西安撫使康允之帶本路制置使安撫帶制置使自此始也。四年有沿江制置使管江南建康府紹興二年有沿海制置使係建康兩三年有安撫制置使大使之名自江南西路大使趙鼎始六年始鑄印以某路制置司為名從浙西淮東制置使梁汝嘉所請也其後盡省惟四川沿海有焉四川係成都府沿海係明也

經畧使

唐正觀二年邊州別置經畧使此蓋使名之起唐百官志節度兼度支營五招討經畧使則有副使判官各一人職官分記儀鳳二年以黑齒常之為河源軍經畧大使職永淳元年婁師德為河源軍經畧副使通鑑至德三年賀蘭進明除嶺南五府經畧兼節度使建中元年除元誘節度始不帶五府經畧唐會要。宋朝不常置咸平五年始以右僕射張齊賢為邠寧環慶涇原路經畧使判邠州諸路軍馬並受節度又以鄧州觀察使

錢若水為并代經畧使判并州旨後不除人寶元中夏人入寇始命陝西沿邊大將皆兼經畧皇祐間儂智高擾邊詔知廣桂州並帶經畧安撫使兵自西南一邊常帶經畧所以重帥權而服羗夷也四朝職畧其國朝會要其經畧安撫各以直秘閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之名籍而行以法若事推專決則具可否稟奏即干機速邊防及士卒抵罪則聽以便宜裁斷帥臣任河東陝西嶺南路職任綏御戎夷則為經畧安撫使續會要四朝志南渡之初依舊制廣南東路帶主管經畧安撫司公事西路帶經畧安撫使紹興五年令襄陽守臣湖北帥帶經畧安撫使

中書門下省言湖北帥司以移還荆南舊給與襄陽府事體頗同詔王庶許依襄陽例帶經畧安撫中興會要後罷而二廣如故

京尹

秦分天下為三十六郡京師為內史。漢因之景帝分左右內史武帝置京兆尹右扶風左馮翊為三輔。後漢都洛為河南尹。魏晉因之

五代所都皆為尹江左為丹陽尹。北齊為清都尹。後周及於隋復為京兆尹。唐初置拔開元復為尹。五代都汴為開封尹。宋朝拔尹不常置太宗真宗皆常尹京後親王元繼者權知府一人以待制以上充掌尹正畿甸之事中都之獄訟皆受而聽焉小事則專決大事則稟奏若承旨已斷者刑部御史臺無輒糾察典司谷下建隆以來為要劇之任崇寧三年蔡京乞罷權知府置拔尹各一員專總管事故以皇子領尹以文臣充四朝志

尹以親王為之號判南衙凡命知府必帶權字以翰林為之翰林學士及雜學士若待制則權發遣而已所選皆人望蓋四方取則之地也聖朝職畧

中興駐蹕杭州建炎三年改杭州為臨安府守臣帶浙西安撫多卿監從臣兼紹興三年詔臨安府有奏稟事許不隔班上殿乾道七年皇太子領臨安府尹就東京為解發臨安府通判兼判職官置少尹判官推官少尹一依淳化判官例差待從以上判官依天聖令用即官以上餘

曹掾依舊府官庭參仍拜下事少尹裁決徒流以上具案判準表奏則繫皇太子街中書以下文移則少尹簽書九年皇太子辭免臨安府尹其知通簽判推判官並復置中興會要孝宗會要

留守

隋大業代王侑留守西京十二年李淵太原留守王威商君雅為副

唐太宗正觀十七年親征遼東置京城留守以房元齡充蕭瑀為副

咸亨二年高宗幸洛陽以雍州長史李晦為西京留守其後車駕發京

都則置留守以右金吾大將軍為副留守太原府亦置尹及少尹以尹

為留守少尹為副留守謂之三都留守見君職林及職官分紀宋朝天子巡狩

親征則命親王或大臣拘留守事建隆元年親征澤潞以樞密使吳延

祚為東京留守其西南北京留守各一人以知府事兼之西京河南南

大名見分紀留守司掌官鑰及京城守衛備葺彈壓之事畿內錢穀兵民之

政四朝志建炎初京城有副留守以檢校少傅寧武軍節度使范訥充留守以侍衛親軍都指揮使遂

安軍承宣使郭仲荀副之

○又有西京留守並繫執政從臣充兼節制軍焉其後武亦建鄴並建

行宮武林視汴都而建鄴視三都焉聖朝紹興四年參知政事孟瑋為

行宮留守從權措置百司事務六年有行宮同留守以左通奉大夫孟

瑋提舉萬壽觀燕侍講充記二留守並權赴尚書省治事

是年八月三省已降指揮三省樞密院常程事務孟聽行宮留守司

與決詔奏請孟瑋並權赴尚書省治事中興會要

群書考索卷十三

後集

後集卷十四

群書考索卷十四

後集

山堂先生章俊卿編輯

建陽知縣區玉刊行

縣丞管韶校正

。官制門

太守

郡守秦官掌理其郡秩二千石秦或謂侯以其地為郡置守丞尉。漢

景帝中元年更名太守。王莽改曰大尹中興仍西漢。三國及南北

朝因之。晉郡守皆加將軍。後魏初郡置三太守。北齊制郡為上

中下三等。後周郡太守各以戶多少定品命。隋初因北齊九等之

制開皇三年罷天下諸郡以州統縣大業三年又改為郡。唐武德元

年改為州刺史加號待節天寶元年改為郡太守。五代仍刺史之號

。宋朝藝祖開基召諸鎮會于京都賜第以留之分命朝臣出守列郡

號權知軍州事軍謂兵州謂民政焉其後文武官參為知州軍事二品

以上及帶中書樞密院宣徽使職事稱判及太宗掌總理郡政宣布條
 教導民以善而得其好惡歲時勸課農桑獄訟錢穀之事皆總焉建炎
 元年詔河東京東西路除帥司外舊差文臣知州去處許通差武臣一
 次詔要郡帶本路兵馬鈐轄次帶兵馬都監紹興三年罷五年令郡守
 除授職任並上殿六年詔控扼去處並以三年為任九年罷並帶提舉
 學事乾道二年令不任守臣不為即淳熙中令郡守罷帶學事漢教在
 蜀則有文翁興學頴川則有黃霸力行數化雍陽則有汲黯卧治董仲
 舒策曰今之郡守縣令民之師帥所以使承流而宣化宣帝詔曰太守
 吏民之本又曰郡守與我共治者其惟良二千石乎蓋守令為國之長
 者後漢魏燭選桂陽太守下車備庠序之教任無光武特為九真太守
 教之耕桑禮聘劉龍為會稽太守簡除煩苛郡中大治李廣為上谷太守
 太守郡中無變後漢范滂為東海太守治豪猾而大治李廣為上谷太守
 太守宿惡人奸皆奔之他境唐韓愈潮州刺史黠盜不拾遺黃昌為蜀郡
 太守當天下分憂之地得結輩三人宋環李朝隱蓋負天下為邦伯物生
 氣天下安矣賈厚順為洛州刺史百姓立碑表德為華州刺史物生
 漢宣嘗拜刺史甄召見親問考其所行以實其言王嘉上言云孝文府
 迎新居官者苟安求全二千石益輕吏民慢之成帝下詔二千石有急
 取辦尊事難危乃能使下唐太宗嘗曰朕思治人之本莫重刺史故

錄姓多於舜風則興對之得不肖致輒疏下之以擬廢置始都督刺
 使皆隨軒策後不復相受命日便殿賜衣物乃遣元宗時已辭請則
 者宣宗大中元年詔守臣以責其功開元中詔三省侍即缺擇管任刺
 言古者郡守縣令皆選賢德故有所用必先試以臨人或由二千石高
 第入為宰相今獨重內官縣令刺史頗輕其選又刺史多武夫勳臣或
 京官不稱職始出補外張九齡言古者刺史入為三公即官出宰百里
 今朝廷士入而不出其於計私甚其自得也臣愚謂治之本莫若重守
 令宗元嘗選諸司長官有聲望者一十人為刺史命宰相御史能於洛
 賓宋朝太平興國九年選必書丞楊廷慶等十餘人分知諸州太宗謂
 宰相曰刺史之任最為親民非其人則民受其弊皇祐三年揚景宗謂
 為一州之民受其弊卒不與

沿邊太守

國朝沿邊州郡或當一道衝要者並兼兵馬鈐轄或帶沿邊安邊沿邊
 溪洞巡察餘州能否

通判

秦置郡丞以佐守在邊為長吏掌兵馬。漢因之歷代相仍不廢而後
 改為別駕。宋朝徵藩鎮始置諸州通判建隆四年詔知府公事並須
 長吏通判連書方許行下餘郡一員州不及萬戶不置

周官有縣正各掌其縣之政令而賞罰之。春秋時縣大而郡小左傳云受縣下大夫受郡十縣邑之長曰宰曰尹曰公曰大夫其職一也。戰

國郡大而縣小其茂曰宜陽大縣其實郡也。漢縣令長皆秦官掌治其縣萬戶以上為令減萬戶為長侯國為相秩亦如之凡縣道國邑千

五百八十七主列侯食縣曰國皇太后道。後漢令掌治民勸善罰惡理獄訟平稅賦秋冬上計於所屬郡國。晉制縣令有治績官報以大郡

不經宰相縣不得入為臺郎自。晉宋以後令長國相皆如漢制。北齊制上中下九等。唐制縣有六等之差凡一千五百七十三縣令各

人掌導揚風化撫字黎民察冤屈親獄訟。五代任官凡經殿不能者始注為縣令故天下之邑率皆不治甚。宋朝元元年應天下諸縣

除赤畿外有望緊上中下四等戶為望二千以上為緊二千以上為下有戒兵則兼兵官部都監或監押三年始以朝臣為知縣其間復參

用京官或幕職為之朝臣知縣自大淳化四年詔京朝京官未歷州縣

不得任知州通判慶曆間詔天下知縣非鞠獄毋得差出政和二年詔

縣令以十二事勸課農桑自政和以來太平盛時人皆重內輕外士大夫皆輕縣令之選吏部兩選不注者甚多然後議所以增重激勸之法

宣和五年縣令止差六十以下人從王敏之請靖康初詔諸改官必為縣紹興七年詔吏將寺監丞簿任滿已改官人未歷民事者各與堂除

知縣二次九年詔吏部自後縣令差文臣乾道元年詔京官知縣以二年為任雖屢有更革卒以三年為任二年御筆今後非兩任縣令不除

監察御史楚令尹子文三任為令尹無喜色三已無愠色舊令尹之政

用牛刀子游曰昔聞諸夫子曰君子為政譬如裁木也木可學也

大邑身之所歷也僑聞學而後入政未聞以政學者也漢薛宣為

令宣曰更道以法令為師可聞而後知及能與不能自有資才何可學也

拾遺書洛陽令李令專以德惠為治不任刑罰劉昆教授江陵光武除

羊惡者輒去母令敗昆能降兩止風前漢下式為中郎將曰治民如

元守來賜令在縣不治魯肅遺先主書曰龐士元非百里才使之處治

中別駕方始展其驥足天寶九載秩親人之官莫過縣令比來選司取

人必思書判古來良宰豈必文人自今以後以政績為最大賢中淫兩

害稼涓南令劉藻曲附度支韓滉言所部無損代宗以為水旱咸均不

宜渭南獨免終令職在恤人不損猶損之而不聞豈有恤人之意乃既
劉正元四年上召京兆府清縣令對廷策其高第者開元中即
咸免之元宗新除縣令又縣令數中辭赴職帝自制令長新誠以諭之仍
官缺釋任縣令者又縣令數中辭赴職帝自制令長新誠以諭之仍
於廟堂賜宴以遣之其憂民擇吏如此宋朝尹洙知河南伊陽縣與穆
備以古文華揚劉文禮之弊天下翕然宗之嘉祐中王允規知河清縣
軍民歌誄有十奇冠準知巴東縣每朝會賦不出符後惟其姓名得
縣門民莫敢後嘗手植雙栢於縣庭至今民以此甘棠謂大業公栢

京畿令

宋朝以通判資序人充

縣丞

國初不置天聖中因蘇耆請開封兩縣始各置丞一員在簿尉之上仍
於有出身幕職令錄內人充元祐中因給納常平免役置丞並行省罷
事務難劇處不展

主簿

自漢以來皆令長自調至隋時始置之。宋朝開寶三年詔諸縣千戶
以上置令簿尉四百戶以上置令尉令知主簿事四百戶以下置簿尉
舉簿兼知縣事

薦舉

齊命禹為司徒遜于稷矣臯陶垂作共工遜于父成伯與益作朕虞遜

于朱虎熊羆命伯夷為秩宗遜于夔龍四岳薦鯀當時不以為疑。春

秋時晉侯問祈奚嗣曰午也可君子曰立其子不為比祈奚為中尉羊

舌職佐之晉侯職死舉其子亦君子曰舉其偏不為黨。又晉侯問咎

犯誰可為西河守曰虞子羔。謝犯曰薦公也不以私事害公議。趙

簡子曰趙簡王問解狐孰可守上黨曰荆伯柳王曰非子之讐乎曰舉

賢不避讐。晉悼公稱伯六卿皆取民譽補實薦其子韓無忌為其弟范

獻子為政用魏成等十人為大夫而謂成謂曰吾與成將人其以我為

黨乎夫存形畏謗不見於六卿補實之時而在於六卿分晉之後為公

道之不。漢初宰相列侯薦士蕭何薦韓信魏無知薦陳平灌嬰為張

孟不持此也廷尉是公薦賈誼召為博士文翁以蜀郡太守察舉至蜀

郡太守武帝初年除吏之權盡出宰相又有舉舉之罰竇嬰田蚡推轂
趙綰為御史大夫王臧為郎中令薦人或起家至二十萬權移主上陰
欲殺其權恐不知其人可用遂置侍中等為加官除宰相外皆帶之朝

夕在側以薦導人物嚴助侍中則薦朱買臣衛青侍中則薦主父偃揚
得意侍中則薦司馬相如而丞相不得薦舉是以公孫滋開東閣不
進一士石慶欲治一近臣反受其過當特推舉士備青以。末年
綉衣薦人屯峻有自縣令至二千石如主所是也。宣帝而下韓增舉馮
奉世使太宛。宣帝謂所舉得人張安世有劾功高不調不肯出一言必
待人主自明谷永薦薛宣為御史大夫何武薦兩龔兩唐又薦鮑宣為
諫大夫。光武詔自三公至州牧歲舉茂才孝廉郡國守相未滿歲不得
察舉以其未久不周知也。杜詩薦伏湛即韻薦黃瓊虞翻薦左雄左雄
薦周舉杜喬薦荀叔。晉武帝時羊祜所進遠之人皆不知所由常曰
拜官公朝謝恩私門吾所不取也且薦杜預自代其後權浸下移勢位
之家更相薦記有如互市中興謝安兄子謝元為將不負所舉。唐
太宗謂房元齡曰公為僕射當助朕訪賢才比聞閣牒訟數百豈暇求
人乎武后時狄仁傑為相姜師德實薦之仁傑不知仁傑薦張柬之又
薦豆彥範敬暉姚崇等數十人率為各臣或謂仁傑曰天下桃李悉在

一公門曰薦賢為國非為私也。肅宗謂崔祐甫曰人言卿擬官多親故而
夫薦擬者必悉其才行如不聞知何由得賢。文宗謂宰相薦人勿問親
疎朕聞實易直為相未嘗用親故若果才避嫌而棄之亦不為公裴度
薦李德裕姚崇薦崔知古裴均為相有故人求京兆判司均曰才不稱
不敢以私傷至公他日盲宰相不妨得之均則不可矣陸贄請令臺省
官各舉其屬而德宗疑諸司所舉皆親故受賂者贄諫曰陛下擇相亦
不出臺省長官之中豈有為長官而不能舉一二屬吏舉宰相則可擇
千百具僚其要在於精擇長史贄之說盡矣。宋太祖時以考第資
歷無過犯有勞績者遷選謂之循資若磨勘應格自令錄以上及六考
皆改著作佐郎無出身及七考改大理寺丞今宣其有功賞循資者減
一等若未該磨勘循資至支使今改及八考者有出身人改太子中允
餘改太子中舍今通其四色判官今承及九考以上者改秘書丞今承
十二考以上改太常博士今承無出身人上殿中丞今承自仁宗始以
及第改官者多遂詔用帥守監司通判保薦以歲改百員為額元豐稍

鑄改官之格故觀察判官以上改奉議即無出身人改通直即掌書記
改通直即支使以下一例改宣德即續通鑑祖宗之初上自侍從大臣
下至常參官又下至部使者郡守又下而至監當知縣之為陞朝官者
皆得以薦舉其路至廣也有歲舉有御禮舉有一人而歲舉數十人者
有不限之以數者其為員至寬也侍從舉四員而本道轉運使副所舉
或一二員皆得以引對磨勘其為法至畧也不至有繆舉之患自天禧
罷監當朝臣舉官之制至寶元康定又罷常參薦舉治平御史知雜以
上又罷薦舉至熙寧又併式郡舉官罷之而路始狹矣仁宗康定雖紹
定內外臣僚薦舉之數而諸路薦舉屬之監司其不限之以數猶故也
其後皇祐懲張易濫舉之弊又併部使者舉員差定之而員拘拘矣增
四考為六考增舉者四人為五人所共益密矣此薦舉之因革也仁宗
皇帝尤以選人遷官為重引對之際予奪抑揚不專於有司之法陳琪
用薦者十餘人知其為龐籍之婿則抑之胡宗堯用薦者十餘人知其
為胡宿之子則抑之李師錫用薦者三十餘人知其為王德用之姻則

抑之且曰朕設保舉以寵天下士今但勢要者得孤寒之士何由而進
又呂文靖公薦其子夷簡以為有宰相之才後果為名宦宋維翰薦神
放為諫官嘗出十輔之書以裨聖政此薦舉之公也。富弼論西事疏
曰有才德者然後知人之才德無者見必增忌歐陽公言三弊亦曰守
廉謹者各主庸幹之人賍汙者舉貪濁之人拘私者舉請求之人乾德
中嘗詔陶穀等四十五人舉郡佐矣太平興國中又嘗詔李昉等十二
人舉二司判官及轉運使矣至邢昺等四人舉學官則景德之詔也張
齊賢五人舉御史則祥符之詔也張知白等十二人舉監司則天禧之
詔也夫居近列者非不多而被詔舉者有數此祖宗用人之法也側聞
太宗語大臣曰若不擇舉主何由得賢真宗語近臣曰不若行擇舉主
以類求人此擇舉之法也

銓選

咸周之時鄉大夫鄉老舉賢能而賓其禮司徒教三物而興諸學司馬
辨官材以定其論太宰詔廢置而待其柄內史專與奪而式於中司士

掌其版而知其數論定然後官之任官然後爵之位定然後祿之蓋擇才如此之詳。漢至成帝建始初置嘗侍曹尚書一人主公卿又有二千石曹尚書一人掌郡國二千石蓋選曹之所起也。漢末立資格而資之高第者然後為二千石二千石之有治行者然後為九卿九卿之稱職者然後為御史大夫至於丞相則非御史大夫之任職者不遷也此其大者之有常格也博士高第者為尚書次者為御史否則以次補諸大率博士子弟二歲通一藝以上補文學掌故其高第者為郎中文學掌故郡屬備自此其小者之有常格也諸官初除必先試守試守一歲然後為真則稱號有常格矣有市籍者不得為官入財為官者不得名職則流品有。後漢光武改常侍曹尚書為吏部尚書其選舉於郡國屬功曹於公府屬東西曹於天臺屬史曹尚書亦曰選部而尚書令總之其所進用加歲月先後之次其後所選皆符評不復簡試謗議漸生安帝永嘉中左雄議改察舉之制限年四十以上儒者試經學文吏試章奏如有顏回子奇之類不拘年齒隨時補用其未及而舉孝廉乃以不孝無聞一知幾歲雄在尚書十餘年察選清平各得其人後黃瓊以雄無以對乃遣還郡雄在尚書十餘年察選清平各得其人後黃瓊以雄孝廉之選專用儒學文吏於取士之義猶為有違乃增為四科孝廉及。三國魏文帝時陳群立九品官人之法州郡皆置中正以定其選

以州郡之賢者為之有言行備者或以五升四以六升五道義勤則或自五退六自六退七是以吏部不能審定故委中正銓第及其弊也惟知問不辨賢愚故劉毅云下品無高門上品無寒士南北朝其武選至于隋選舉之法雖互有損益而九品及中正至開元才嚴其武選俾護軍主之又以崔瑗毛玠為丞相掾並典選舉所用皆清正之士吏潔於上俗成於下。晉依魏氏九品之制內官吏部尚書司徒左長吏外官有大中正州郡有小中正皆掌舉選其後中正任久愛憎由已而九品之法漸弊劉毅上疏曰九品有八損而官才有三難請因用土斷復鄉舉里選之法及劉頌為吏部尚書復建九班之制令百官在職少遷時賈郭專朝任者務速故不行為題目時號山公啓事。宋文帝限年三十而任郡縣以六周而代刺史十餘年及至武帝任者不拘老幼守宰以三周是時謝莊請令大臣各舉所知以付尚書銓用帝不欲重權在下乃分吏部置兩尚書以散其權。梁制九流常選州置州重郡置郡崇鄉置鄉豪各一人專典搜薦無膏梁寒素之隔復置中正。陳選無定時隨缺則補官。後魏時中正所銓但在門第吏部彞倫仍不才舉文帝求理內官通班以上自考覈以為黜陟其後貪少應調者

多選曹無以處之崔亮乃奏不問賢愚以停解日月為斷魏之失才從
亮始也。後周以吏部長選蘇綽為六條。隋制尚書舉其大者侍
郎銓其小者則六品以下官吏咸吏部所掌自是海內一命以上之官
州郡無復辟署矣。白後魏北齊以來州郡僚佐以多為吏部所受至
隋初一切歸在省司劉炫曰小大之官悉由吏部職介之迹皆屬考功
所以繁也省官不如清心。唐制諸王及職事正三品以上若文武散
官三品以上及都督都護上州刺史之在京師者冊受五品以上皆制
授六品以下守五品以上及視五品以上皆勅授凡制勅授及冊拜皆
宰司進擬白六品以下旨受悉由尚書文官屬吏部武官屬兵部謂之
銓選文武選事各分為三銓尚書典其一侍郎分其二凡選始於孟冬
終於季春武德以十一月起選春則開傳至正觀則休肅奏四時總選隨到注辦其擇有四事曰身言書
判四事可取則先乎德德均以才才均以勞六品以降計資量勞而擬
官五品以上不試列名上中書門下聽制勅凡選以類為甲先簡僕射
乃上門下省給事中讀之黃門侍郎省之侍中審之不審者皆得駁下

然後上主者受旨而奉行焉給告身武選亦然其黔中嶺南閩中
之官不由吏部謂之南選自高宗麟德以後選人漸多裴行儉設長名
姓歷榜引銓注之法開元中裴光庭以選人無常限復作循資格賢愚
一貫必合乎格者乃得銓授久淹者皆荷之謂之聖書而倫才之方失
矣武德初官不充員吏曹移牒州府課人應集至則授官無退遣後求
者漸多始有沙汰太宗詔杜如晦曰吏部取人舉言辭不詳才行將依
漢法令本州辟召事寢不行正觀十八年高李輔獨知選事太宗賜金
鏡一面以表其清鑒焉宋徽中以來官紀以紊武后朝以選人多不實
令糊名暗考以定第及中宗韋氏太平公主用事神龍後除官不由宰
司特勅斜封便拜凡數千員內外謂之三無坐處言宰相御史及員外
郎也韋氏敗始以宋璟為吏部尚書李義盧從愿為侍郎姚元之為兵
部尚書陸象先盧懷謹為侍郎悉奏罷斜封官量闕留人雖資高考深
非才實者不取初尚書銓掌七品以上選侍郎銓掌八品以下選至是
通其品而掌焉未幾璟元之等罷崔位薛昭希太平公主意上言罷斜

封官人失其所而怨積於下必有非常之變乃下詔盡復糾封別勅官
元宗以選試不公乃置十銓試人明年復故天寶中楊國忠以吏部尚
書三銓注官皆自專之與左相唱注以誇敏速由是不經門下省審侍
即不得參議蕭代以後銓注無可道者德宗時沈既濟有四大之說入
仕之門大多世胄之家大優利祿之資大厚督責之令大薄顯慶中劉
祥道知選事上疏陳六事會杜正倫亦言入流者衆乃詔與祥道參議
而執政憚改作遂格其議矣唐書。宋朝太祖承襲五季之弊文武
常參官非有勞者未嘗進秩考滿叙遷之法稍不復舉當是時京朝隸
中書三班屬樞密主管差遣磨勘之法歸之大臣則是大臣實黜陟之
權建隆詔更部別銓黜人並試判三選為上中下三等太宗淳化建審
官院為黜陟之地量才較績而引對不廢其無功可錄者至有供奉官
四十年不遷至道中官缺至千七百人而有司請併合吏員三而省一
以實空官一切超折就擬尚不充也承平既久官塗大塔天禧之間遂
有假員之法取審官虛闕而躐受吏部待擬之人而銓品浸革矣祥符

中黃綬之吏未得選者遂至三千始預用一歲員闕至仁宗特吏在任
版者無慮八九千人而調補者復不在焉預用之闕且涉三歲議者以
為流爛之極是時范仲淹陳事有言曰今不問勞逸能否一切以歲月
資歷深淺為先後欲賢不肖有別不可得也。今吏部之注擬者何也
始入官而得簿尉自簿尉而得令丞推而上之至於幕職由是法也又
上而至於守貳由是法也其官得者則曰不應格其不宜得者則曰不應格

群書考索卷十四

後集

群書考索卷十五

後集

山堂先生章俊卿編輯

建陽知縣區玉刊行

○官制門

考課類

考課之法尚矣舜典曰三載考績三考黜陟幽明如絲之績用弗成必待九載而後見是也至成周而計吏之法益詳焉歲終考歲會月終考月要日終考日成又三歲有大計之治九載有黜陟之方亦幾於不憚煩者而綱維所繫并二可攷歲終受會則掌之太宰詔王廢置則掌之太宰大計誅賞則又掌之太宰是亦足矣至小宰又以六計曰廉善廉能廉敬廉正廉法廉辨是已弊群吏宰夫以八職正師司寇府史胥徒掌官府聽國計於司會計吏治於司書有小司徒以攷其治成有內史以逆其會計大抵皆統於太宰功罪能否舉以告王而升黜之此周制之善也

官之長各考一官之屬六卿考屬官按伯政諸侯又盡攻於司會而後
家宰受百官府之會而詔廢置焉蓋各攻其屬則寡而難敗提得於上
則簡而。秦任刀筆郡國事不先上丞相輒上御史是時法雖嚴而王
稽守河東至不肯上計。漢興課吏之際猶有古意郡守辟除令長得
自課第刺史得課郡國守相而丞相御史得雜攷郡國之計書至天子
則受丞相之要。以史攷之王尊為郡決曹太守察尊廉補鹽官長焦
延壽為郡史察舉補小黃令是令長之職多郡守自辟置也。令長於
歲盡計戶口墾田穀錢盜賊之數上計郡國課功效茂陵令蕭育為
齊令諸扶風怒曰君課第六裁自脫何暇以為左右言是令長之職守
相得自課第也。刺史巡行所部郡國考殿最歲盡請京師奏事是刺
史得課守相也。公永薦薛宣曰左馮翊宣攷課功績簡在兩府則御
史得雜攷郡國明矣。丙吉曰殺傷橫道京兆尹職當禁歲旱丞相課
其殿最奉行賞罰而已觀其課殿最之言則丞相雜攷郡國之計書明
矣。觀奏行賞罰之言則天子受丞相之要又明矣。又其課吏皆每
事而攷韓延壽在東郡斷獄為天下要此刑獄課也尹翁歸守右扶風

盜賊課嘗為三輔最此盜賊課也倪寬為內史租稅不入當免後民事
輸租而更以最此租課也卜式為成臯令將漕最此漕運課也陳立為
天水太守勸農桑為天下最此農桑課也後志注曰令長歲盡計縣戶
口墾田錢穀盜賊上其簿於郡課校其功則戶口墾田錢穀亦各有課
也以此推之在當時攷覈必有法度惜漢史之不具而後世無以復攷
也漢制或受計於京師或受計於其郡或受計於明堂其所受之不一
也或或令以列侯居相府而領其事漢初置計相以張蒼為之領郡上
計或或令先王太史而後上丞相或察之以御史其所掌之官不一也然
當時魏尚以差功六級廢賞壽王三年不上計至勸詔書督促其數隱
未易舉舉也吾龍時竟以負租課殿當免民恐失之輸租不絕課更
以最右扶風會課茂陵令蕭育治六漆令郭舜教育為之請夫始殿於
終最使人得以用情而無一定之法因無可議宣帝黃龍之詔責計簿
會既定而人得為之請駕則其法將安用哉宣帝黃龍之詔責計簿
之欺慢曰三公不以為意朕將何在蓋膠東王成以為增戶口而蒙顯
賞公卿不言他時反得諸郡國計吏之言則帝之詔蓋為此也元帝時
京房作考功課吏之法令晉灼所列者令丞尉以盜賊除罪之科爾其
法非止此也然而不覺盜三日者坐之則繩下過急矣故公卿議會而
皆以房言煩細時部刺史亦以為不可行其後世守魏郡帝雖許其自

行未幾而廢。三國魏明帝時劉邵作都官考課之法七十二條大畧欲使親人之吏以功次補郡守就秩賜爵其法得矣而使州縣察士必以四科則取士之路亦狹矣時崔林以為考課存乎其人若大臣能任職式是厥辟則孰不肅焉在政課焉。京房之說欲專任法崔林之說欲專任人二者皆偏也要必詳明乎法而復參乎人然後政課之法立。惟晉武帝杜預論考課乃兩備其意預之言曰古者黜陟疑於心不泥於法末世疑心而信耳目疑耳目而信簡書簡書愈繁官愈偽莫若委任達官各致所統於是立六優六劣之法優多劣少者平叙劣多優少者左遷法簡而易行然必以六歲乃一按焉故時病不能行也。後魏文帝泰和中詔三載一考即黜陟親與公卿論其善惡上上者遷之下下者黜之中中者守其本任其後崔鴻建議慮選曹一舉不置甄別則是法已紊矣。唐置考功郎中員外郎各一人掌文武百官功過善惡之攷法凡考課有四善 德義 清謹 公平 恪謹 二十七最 有上中下之別

自近侍至于鎮防並據職事目為之最凡二十七焉一最以上有四善為上上一最以上有三善或無最而有四善為上中一最以上有二善或無最而有三善為上下一最以上有一善或無最而有二善為中上一最以上或無最而有一善為中中職事粗理善最弗聞為中下愛憎任情處斷乖理為下上背公向私職務廢缺為下中上官諂諛及貪濁有狀為下下若於善最之外別有可嘉尚及罪雖成毀而情狀可矜或雖不成毀而情狀可責者省核之日皆聽考官臨事量定

太宗又遣使以六條黜陟天下時房元齡王珪堂內外官考課權萬紀奏曰不平上命侯君集推之

馬周疏曰今流內九品以上有九等考第自比年不過中上未有得上下以為上改者臣謂所設九等正考當今之官必不施之於異代也縱使朝廷實無好人猶恐於見任之內比較其無善者以為上第豈容皇朝士人遂無堪上下之考臣謂宜每年選天下政術尤最者

一二人為上上其次為上中其次為上下則中人以可以自勸矣。
盧懷謹曰三載政績校其功也請自今都督刺史以下在任者未經
四考不許遷除

元宗開元中命諸道採訪使考課官人善績三年一奏未為常式。至
二十七年二月赦文比來諸道所通善狀但優仕進之輩與為選調之
資責實循名或乖古義自今以後諸道使更不須通善政每至三年朕
自擇使臣觀察風俗有清白政理著聞者當別擢用並通德宗持趙景
獻審官六課四議考課曰今內庶僚外刺史課最尤者擢以不次善矣
臣謂黜陟宜責歲限若任要重未當遷者加爵或秩其餘進退宜示遲
速之常若課在中考如限平轉而歷試之即無苟且之心滯滯之慮唐
○嘗觀唐之世如宏班之駁劉廼趙儒宗之貶裴郁盧紹控李泌之抑
蕭俛段文昌崔寔杜元欽而進張惟素鄭覃皆考課之得人也。陽城
刺史道州治民如治家而民皆知化可謂刺史之最而當時反以催科
政拙而下其考何易于令昌邑不督賦役三年無囚可謂縣令之最矣

而當時反以在官無異稱而中上其致此考課之失也

以通典漢書志及雜文備

開元初攷功多請托冒濫歲數百人王立遷攷功務覈實材登科終

滿百人傳。至德後攷績未實內外悉考中上最混殺趙儒宗領

考功事黜陟詳當無所回憚凡入中上者纒五十人傳。趙璟自言

薦韋征以貪敗請降攷考校使劉滋課課知過更以考升。○盧承慶

嘗考內外內有一官監運損糧考中下其人容色自若又改注曰非

力所及考中中既無喜無愧又改曰寵辱不驚考中上。○韋嗣立調

雙流令政為前最。○盧從愿遷豫州刺史政嚴簡奏課為天下第一

。○裴珣為櫟陽渭南令奏課第一。○薛珣為乾陵臺令歲終以清白

聞課第一。

宋太祖建隆二年令右監門衛將軍魏仁傑等以監酒麴市征額外有

美利並令遷秩故事文武常參官各以曹官事繁省著為月限考則遷

轉太祖循名責實非有勞者未嘗進秩自是歲滿序遷之典頗不復舉

行要建隆三年十一月甲子先是案令文州縣官撫育有萬戶口增益

者各率見戶每十分加一分刺史縣令各進考一等其州戶不滿五千
縣戶不滿五百各準五千五百戶法以為分若撫養乖方戶口減耗各
準增戶法亦減一分降考一等主司因循例不進改惟按視闕失不以
輕重便善下致至是有司上言自今請以減損戶口一分科納繫欠一
分已上並降放一等如以公事曠遺有制殺罰者亦降一等又言京官
月限多少不等有以三十六月為滿者有以三十月者有以二十月住
支料錢者有司逐年書校考第並無準繩自今請應有曹局料錢京官
並以三十月為滿內有合校考第者以此為限其料錢一依舊例月數
支給並從之編乾德元年詔御史臺吏部尚書刑部大理寺官自少卿
郎中員外郎知雜御史以下丞簿司直評事等並以三年為滿如嘗在
本司決事者至月限日便與官其尚書侍郎御史中丞大理卿別議恩
典如官不恪事廢即不得例遷仍置罷置罰會乾德四年詔曰惟彼銓
衡止憑資歷慮有英俊沉于下僚自今常調赴集選人委吏部取商賈
取歷任中多課績而無闕失者具名送中書門下引驗量才甄叙詳

德四年詔三司判官皆妙選時守而事務既繁心力有限若非考課陞
黜則功過難明自今有改移制置切在從長事或未詳須問別司若三
省偏容猶未能決即訪之諸道轉運使以盡利害仍各置曆書其課績
至歲終考之三司各置推官一員別給以印三司使亦時糾其非宜庶
幾各盡心共濟公事通開寶九年十一月庚午詔諸道轉運使各察
舉部內知州通判監臨物務京朝官等以三科第其能否政績尤異者
為上恪居官次職務粗治者為中臨事弛慢所蒞無狀者為下歲終以
聞將大行誅賞焉編。太宗謂宰相曰朕欲擇河北一轉運偏閱班簿
多不詳操履自今臣僚授任並具履歷引對所冀朕漸與群臣相識亦
可觀其材質若懷才蘊智之士自可因此敷揚或嘗負瑕缺朕前一
讀之想其拙如撻市宋琪曰陛下樂育多士特面命而識之使士大夫
有所効又令當職之官獲免謗議寶太宗詔置內殿崇班在供奉之上
左右侍禁在殿直之上以供奉殿直有四十年不遷者故特置崇班侍
禁之直以次授之是國初之制不以歲月計久近為叙遷之法也至三

年趙韓王復相畏嫌避事請置攷課以分中書之權於是以前朝官考課歸審官院以幕職州縣官考課歸流內銓以三銓使臣考課歸三班院或給印紙曆子或功績可紀清白有守過犯度數舉主姓名盡皆書之俾至闕下赴院磨勘第其等而陞黜之尚有甄別能否之意也興國二年正月十日詔曰虞書考績爰及三年漢官奏課率分九等應諸道州府曹掾府及縣令簿尉先是吏部南曹給印紙曆子俾州縣長吏書其績用過懋秩滿有司詳視而差其最斯舊章也執事者其中明之無或蔽欺以紊經制諸州先於曆子外給公牒者罷之或有妄書功勞輒隱違犯致磨勘彰露或為人陳告本判官錄事參軍悉除各長吏重罰曹司決配仍揭榜于錄事參軍廳事興國三年二月判吏部南曹董淳言諸州錄事掾縣令簿先給南曹曆子州吏批書多所漏畧今於令式取其合書如受驛義倉官市牛皮筋角前代帝王陵寢嶽瀆河海祠廟及給鹽麩商稅超越等並書敢漏一事者尉一選三事者降一資初八令錄者只於本資降州縣吏加答責焉令式所合書者雖所部無

有亦著其無以相參驗望頒行諸州從之興國六年二月詔曰朝廷伸懲勸之道至經久之規應群臣掌事于外州悉給以御前印紙所書善惡無隱致最必書俾因滿秩之時用因考績之典如聞官吏頗紊綱條朋黨比周秩相容蔽米鹽細碎妄有指言蠹有巨而不章勞雖微而必錄有司據文而校件析以聞志既切於澄清思或由於僥倖成命不反蓋示信以當然出令惟行於垂勸而安在宜行戒諭用儆因循自今應出使臣僚在任日勞績非尤異者不得此書曾有殺犯不得引隱其餘經常事不在批書之限興國七年五月詔曰朝廷重賞罰之柄為懲勸之典蓋生民之利病由官吏之能否也所以旌別善惡黜陟幽明每思精審以立制條州縣官所考最繫南曹而知州通判別給御前印紙以書功過洎歲時斯久因循失職遂成私洵寔以混淆特舉舊章以明申警自今外任京朝官凡從政之迹並繫本部以實狀書於所給印紙不得增京功過阿私罔上其關津書考之官悉書其名違者置罪同。二十九日詔應知州通判知軍監知縣減官及進士及第幕職州

縣官曾給御前印紙者宜令齎往任所批事迹納差遣司磨勘功過定
升降官第及堪何任使京官以下送閣門引見朝官件析以聞興國
八年四月詔曰國家並建庶官分掌衆務各司攸局咸盡其材不明毀
最之文局伸懲勸之道應州縣幕職官等吏部盡有舊規自今京朝官
整事於外者秩滿歸闕曾經責罰及臨事簡慢者並與遠遠州郡課績
高禁治行尤異者授以近地式示勸能者為定制上。六月三日刑部
即中楊徽之庫部負外郎孔承恭同考校京朝官殿最八月內詔曰朕
選用群才升良衆職九品之賤一命之微未嘗專委於有司必須召對
於便殿親與之語以勸其能倘敷納而可觀必越次而命賞察容僥倖
庶勵澄清自今應親臨選擢官吏並送中書更審勸履歷別聽進止上
雍熙二年詔右諫議大夫雷德驥同知京朝官考課今錄其履歷功過
之狀引對既得漸識群臣可以擇才委任且使有官政者樂以召對有
瑕累者耻於顧問可以懲勸矣通鑑四年三月十二日詔曰國家分
職建官蓋期於共理信賞必罰以示於無私用崇激勸之風冀盡忠勤

之節應天下知州通判等共分憂責各效官成政理之戒否攸歸黎庶
之慘舒是繫所宜明為責罰以示勸懲先給御前印紙令書課績而功
過未盡其實黜陟未得其宜自今並條其事迹凡決大獄幾何凡政有
不便於時改而更張人獲其利者幾何及公事不治曾經殿罰並具書
其令狀同僚共書不得隱漏官月上中書考校以定黜陟最黜得化二
年正月十日左諫議大夫魏庠知制誥柴成務同知京朝官考課十九
日詔曰國家擇幹蠶之材領轉漕之任生民繫乎舒慘國用倚之盈虛
百吏承風在舉措而宜謹三年會計固黜陟以是行苟無課最之文曷
伸懲勸之理應諸道轉運使自今整葺庶務平反獄訟及貨財盈羨飛
輓辨集有利於民等事並令所在州府軍監每歲終開折以聞其尤異
之績者不得申舉上厚化三年十月戊寅詔曰三考黜陟有虞之茂典
八使按行東漢之舊章苟課最之不明於賞勸而何在應諸道知州通
判及整務京朝官錄事判官縣令簿尉等內有治行尤異吏民畏服居
官庶恪蒞事明敏獄訟無滯倉庫盈羨寇盜剪滅部內清肅者本道轉

運使各以名聞當召赴闕親臨問狀增秩懋賞以旌其能其有貪猥自
私臨蒞無取稽留狂獄叛離官次盜賊群起賄賂公行並須備狀未上
當行貶斥。上慮中外官吏清濁混淆莫能甄別壬午命戶部侍郎王
沔度支副使謝泌秘書丞王仲華同知京朝官考課吏部侍郎張宏戶
部副使高象先膳部員外郎范正輝同知幕職州縣官考課號曰磨勘
院又命左贊善大夫魏庭式與樞密都承旨趙鎔李著同較三班院殿
直以上功過淳化四年以考校京朝官為審官院幕職州縣官為考校
官廢京朝差遣院令審官院總之又以幕職州縣官考課院歸流內銓
淳化五年臨軒親選京官郭玘等四人為陞朝官仍給御前印紙令書
今任課績滿日賞赴御前考校之帝面諭玘等爾為布衣在塵埃時見
一朝官還羨否今未未滿歲而卒擢選宜自厲力以答殊恩至道知考
課王旦引對呂蒙正之弟蒙亨上曰此人於兄弟之中最優蒙正在相
待何不言且曰文字正事俱其所長累有朝臣奏舉即授光祿丞真宗
舊制郊祀推恩臣僚多獲叙進上即位諫官孫何耿望上疏請罷之以

寒僥倖上曰此真有理况官吏遷絀於月實有典故自今郊祀行慶止
加勳階爵邑遂定三年考課磨勘進秩之制命有司考其殿窳臨軒黜
陟之釋曰郊祀單慶改官非舊典也自雍熙以來有之真宗因諫官上
言遂罷其事命有司定三年考課之制引對黜陟之辨能否令審官院
磨勘京朝官功但先經磨勘以前其履歷中雖有甚惡更不舉問磨勘
後有賊私罪只增添年限苟應近格亦得改官其有勞績具而不論事
一出於有司殊無黜陟之實甚非祖宗進賢退不肖之意咸平三年上
諭宰臣今馮錄內外京官歷任功過編策進內咸平四年四月初每遇
慶止加階勳爵邑而京朝則命審官院改其殿窳引對上親閱而遷之
磨勘京朝官自此始通鑑景德元年九月五日詔諸路轉運使副察所部
官吏能否辨為三等公勤廉幹文武可取利益於國惠及於民者為上
幹事而無廉譽清白而無冷聲者為次畏懦而貪慢公不治賊狀未露
濫聲頗彰者為下並列狀以聞景德二年以京朝官任中外職受代

者位課引對多獲叙進而計司三館不預茲例於是內出孫沔等四人姓名特遷其官復令審官院立五年之制三班院以七年為限祥符四年以主客郎中李巽為慶支郎中兩浙轉運副使司勳員外郎王矩為工部郎中京西轉運副使初遣官提點刑獄至是代選命向敏中較其數最以嘗活冤獄者為第二等餘為第三等祥符八年及上玉皇聖號大赦内外文武官滿三年者有司即考課以聞於是引對之法廢矣天禧元年詔不限内外職守但及三歲非犯入已贓者皆磨勘遷陟則其他贓私敗皆得以遷官於是黜陟之法廢矣乾興元年九月已詔使術官自今不得如京朝官考課遷陟聖。仁宗時趙尚寬知忠州以考課第一知唐州有異故下詔褒焉仍進秩賜金天聖三年謂輔臣曰先王考績之次序雖見於經其詳不傳於後世朕以諸路舉刺之官初未有法以考其賢比今有司校考績課以歲滿所上功狀定其殿最為上中下三等用唐考功四善之法驗其行實并絀之又擇可信良吏典治之其以新書布于天下凡在位者悉力一心務以稱朕至誠惻怛之意

。天聖六年詔令前一日具功過進內候欲出引對又非太宗臨軒顧問懲惡勸善之意矣明道間李迪再相沽譽又減武臣三年遂定立五年磨勘之制而昔時考課黜陟之意愈失矣天聖七年敕宜令審官院今後京朝官並宜依景德四年敕以前轉官及三周年者並收接文字依例磨勘如到闕已來未及三周年者依例差遣仍候轉官四年者亦與磨勘其行實轉官及三周年許令在任申發文字赴審官院磨勘仍命御史臺曉示今後京朝官得替仰依程限赴闕如不固事故顯有拖延具官姓姓名聞奏。天聖八年審官院參詳京朝官多得替後轉官未及三年却別準本州或轉運司及諸州公文差遣常及在路故拖延三周年方始到闕今後京朝官並須以得替日前以轉官及三周年磨勘從之。慶曆二年正月御史中丞賈昌朝言近歲舉諸州路提刑多非其人請發取課黜陟之法詔自今提刑到闕令磨勘院具在任功過分三等聞奏上等除省府判官或轉運使副中等與大藩知州後方升陟差任下等正知州郡如未替間別有差委不拘此限。慶曆二年

開天章閣責治范仲淹富弼有曰我祖宗朝文武百官皆無磨勘之例
惟政試可進者推以不次無所稱者至老不遷故人入自勵以求績效
今又資三年一遷武職五年一遷謂之磨勘不限內外不問勞逸賢不
肖並進此豈懸陟幽明之意耶臣請今後兩地臣僚無大功大善更不
非時進職內外官雖通滿五年乃得磨勘錄。詔曰考課之法舊矣祥
符之際治致升平凡下詔條全於寬大考最則有限年之制入官則有
循資之格及此事邊因緣多故數後官簿審閱周行思得應務之才毋
虧素養之道非賞勳衰忘不激勵非比別人情不實排具中凡目著于
甲令大詔嘉祐六年八月詔曰先王考績之次序雖見於經而其詳不
見於後世朕若稽古以備衆功而諸路刺舉之官未有以考其賢否此
令有司詳議厥制條奏來上詢謀悉同古人有言曰徒善不足以為政
徒法不能以自行今朕有念功樂善之志而又繼之以懸陟幽明之法
以待天下之大吏矣然非夫任事之臣躬率以正而考覈其實與士大
夫之宣力于外者皆安於權義而不以便文徵俸為奸則朕之志豈能

獨言於天下而法亦何恃以行哉咨爾在位其各乘力一心務祇簡書
以稱朕至誠惻惻之意其令考校轉運使副提點刑獄課績院以所定
條目施行。英宗治平三年始展為四年磨勘及定少卿監員額亦以
救舊時之弊行至于今入流至多員額狹衆既無引對之法又有成年
之令雖任官祠以至待次無功可考無聲可述但計歲月並與遷秩其
與國初之意大矣矣。治平四年十月詔曰考課之法所以諫群臣而
覈名實也今諸路監司與郡守之政既已科別其條具為令矣至於縣
令之職與民尤近而未嘗立法恐非所以愛養元元之道宜令天下州
軍各上所轄縣令治狀優劣其條約令考課院課定以聞。神宗熙寧
三年四月自上即位循名責實守臣課不及等則有展年降資而治狀
優異則褒寵之監司以上則命御史考校至是以縣最為近民未有勸
沮約束乃詔考課院條具於儀定以斷獄平是賦入不擾均牧屏盜勸
課養桑振恤孤窮導備求利戶籍增愬整治簿書為最而參用德義清
謹公平勤儉為善以攷令之治行分上中下三等取其能否尤著者別

其優劣歲上其狀以詔賞罰即循權要抑孤寒故不以實者論如遺制之法舉。考課院言準詔定到知縣縣令課法在任斷獄平允民無冤濫賦稅及時了辦不煩追擾及差役均平並無論訴之人及雖有論訴而無不當之理在任能屏除盜賊里民安居勸課力田使野無曠土又該報恤困窮不致流移雖有流移之人而多方招誘却令復業一任之中主客戶地舊籍稍有增愆在任架閣庫簿書務合整齊經提刑轉運點檢別無散失及興備水利疏道積水以利民田能勸誘人戶種植桑棗天下州軍委知州通判每歲取索轄下得替知縣令前項三條課績兼依唐四善德義清謹公平恪勤採逐人有上項事實即參詳分為上中下三等申本路轉運提點刑獄司逐司類聚齊足同共將一路所供三條課績四善事實再行審定上中下三等內有績狀尤異出於上等之外則定為優等如政事昏謬出於下等之下者而定為劣等即不得將合在三等政事定優或劣其奏狀並限次年春本中奏到送考課院者詳如所委得不當即從本院保明申奏武臣知縣為上中下等之人

即乞比類上項賞罰施行詔並從之長。熙寧三年丙午詔中書考察內外官司置簿記功過俟歲終及因非次除擢檢錄比較進呈擇其尤甚者進納之。哲宗元祐七年四月三省言諸路考察縣令課績等第者本條未有限定人數今以一路所管縣多寡為則委本州通判考察課績以德義有間責慎明者公平可稱恪謹匪懈為四善以獄訟無冤催科不擾稅賦別無失陷宣敕條貫按帳簿書齊整差役均平為治事之最裨桑懇殖野曠土關水利興備民賴其用為勸課之最屏除奸盜人獲安寧賑恤窮困不致流移為撫養之最仍通取善最分為三等七事為上一二事為中餘為下限次月申監司數聚每半年一次同行審復若有能否尤著者別為優劣上半年限八月下半年限次年二月具事狀保明以聞知州除太中大夫觀察使以上三京留守安撫使鈐轄不考察外其餘並委監司依此考察以上並令吏部開拆等第申尚書省即知州通判到任未滿一月監司未滿兩月者並展一月其知縣令在任不及二年罷任者不考察從之同。紹聖二年七月尚書省言今增

損諸轉運提刑提舉官合上簿七事一舉官二勸農桑三招流亡四興
利除害五按察吏部賦罪六部內置獄及平反獄訟七機察賊盜並開
具互申都司都司限兩月開具申尚書省諸考課事該賞罰而僿不
申者徒二年遂曹天報者責其吏從之會。高宗紹興間因尚書席益
之奏而用乾德詔書凡常調中才行可取或課績優著者長式具以名
聞。紹興三年八月臣僚上言守令有四善四最改課之法雖具載條
格欲望明詔監司守臣遵行改課良法責以試實治狀上聞如得優異
之人乞加獎擢以為循吏之勸詔令吏部申明行下。紹興三年二
月權吏部尚書席益言天祖乾德四年詔曰自今常調赴集注選人吏
部南曹取歷中多課績而無間失者觀其人才請以吏術可副陞擢者
具名送中書門下省驗以聞當與量加甄獎欲望不用乾德詔書凡常
調中才行可取或課績優著者長式具以名聞從之。紹興六年四
月毅中待御史周彬言國家以十五事考校監司以四善四最考校守
令保奏有限違限不實者有罪而五六年間惟成都潼川路一嘗奏到

其餘諸路課績並不申奏法令廢弛能否無辨欲望特命有司檢具考
課條令申嚴行下責諸路監司州縣自今各依限保明具累年輒不申
奏者亦乞取問因依仍乞自今從朝廷度歲取數最各一二人量行賞
罰詔令吏部申嚴行下諸路常切遵守如違仰御史臺糾劾以聞餘依
奏。紹興二十六年十二月右正言凌哲言祖宗時監司考課之法尤
所注意至給御前印紙批書事件俟其滿歲用以磨勘至於保奏互舉
各有期限違者論罪如律比年以來文存實亡漫不加省善否混淆莫
之旌別欲望申命有司檢坐見行考課條法嚴飭諸路監司恪意遵守
以時互舉聞于朝廷且使稍久其任以究行殿最從之會。孝宗乾道
間臣僚乞自今以責實以為政吏不惟文法士不惟詞藝故考課黜陟
之法所以復還前日之舊矣

宋朝廷隆初始以戶口增耗為州縣吏歲課之陞降興國初人定三科
之法以覈能否其後遂詔郭質勝中正雷德驥典其事人雍熙間上嘗

閱班部欲擇用人而慮不能備知群下之才始詔德麟以群臣易過之
迹引與俱對淳化中又分京朝官考課使王沔主之乃取州縣官考課
使張宏主之三班考課使魏廷式主之沔既條奏其法於是御史戴子
元即史張紳皆以負黜焉然沔之法亦以煩碎無持士君子之體物議
非之久之復廢京朝考課而置審官院以錢若水主之廢州縣官考課
歸之流內錢以蘇易簡主之惟三班無所改易其後天子又嘗欲自宰
相備制書攷之事既而但欲責其稱職遂不行焉然親書課最之意二
十餘幅以賜錢若水等蓋其丁寧之意如此焉

太祖委大臣擇士歲滿叙遷之典稍不復舉文武嘗參官非有勞者
未嘗進秩至淳化間先正趙普復相畏嫌避事請置攷課院以分中
書之權於是京縣官攷課歸審官院以幕臧州縣官攷課歸流內
銓以三班使臣歸三班院舉大臣之道揆付之有司之法守雖有才
品至庸下而資考既足莫不例遷論者以為非便

群書考索卷十五

後集

書